

# Erindisbréf íprótta- og æskulýðsnefndar

## I. Verkefni nefndarinnar

### 1. gr.

Íprótta- og æskulýðsnefnd Snæfellsbæjar starfar, í umboði bæjarstjórnar, að íprótta- og æskulýðsmálum í sveitarfélaginu samkvæmt lögum og reglugerðum er þar að lúta og eftir því sem nánar er kveðið á um í þessu erindisbréfi sem gert er í samræmi við samþykkt um stjórn Snæfellsbæjar.

### 2. gr.

Íprótta- og æskulýðsnefnd gerir tillögur til bæjarstjórnar um stefnumörkun á sviði íprótta- og æskulýðsmála. Nefndin er bæjarstjórn til ráðgjafar í málaflokknum, fylgist með að unnið sé að settum markmiðum í málaflokknum og gerir tillögur að úrbótum til bæjarstjórnar þar sem þeirra er þörf.

### 3. gr.

Helstu verkefni íprótta- og æskulýðsnefndar eru:

- að vera bæjarstjórn til ráðgjafar og veita umsögn um erindi er tengjast íprótta- og æskulýðsmálum,
- að fylgjast með framkvæmd ípróttalaga nr. 64/1998, æskulýðslaga nr. 70/2007 og annarra laga og reglugerða er snerta starfssvið nefndarinnar,
- að vinna að eflingu félags- og ípróttastarfs og heilsueflandi tómstundaiðju meðal íbúa bæjarins og hafa um það samvinnu við aðra aðila sem að þeim málum koma,
- að stuðla að fjölbreytni í íprótta- og æskulýðsmálum fyrir börn og ungmenni,
- að hafa eftirlit með ípróttamannvirkjum og húsnæði félagsmiðstöðvar bæjarins í samvinnu við íprótta- og æskulýðsfulltrúa,
- að fylgjast með og vera upplýst um starfsemi félagsmiðstöðvarinnar,
- að efla fræðslu og forvarnir í samstarfi við sameiginlega velferðarnefnd sem starfar undir Félags- og skólaþjónustu Snæfellinga, skóla, heilbrigðisyfirvöld, ípróttafélög og aðra viðeigandi aðila,
- að gera tillögur til bæjarstjórnar um útgáfu fræðsluefnis og aðra kynningu fyrir íbúa sveitarfélagsins, fyrirtæki og stofnanir um þau mál sem falla undir starfssvið nefndarinnar,
- að vera íprótta- og æskulýðsfulltrúa innan handar við framkvæmd heilsuviku í Snæfellsbæ og jafnframt annarra viðburða sem haldnir eru innan þessa málaflokks,
- gera tillögur til bæjarstjórnar um markmið í íprótta- æskulýðs- og forvarnarmálum og fylgja því eftir að unnið sé samkvæmt íprótta- og æskulýðsstefnu Snæfellsbæjar, forvarnarstefnu Snæfellsness og öðrum stefnum sem heyra undir starfssvið nefndarinnar,

- fylgjast með gerð áætlana fyrir íþrótt- og tómstundastarf í Snæfellsbæ í samráði við íþrótt- og æskulýðsfulltrúa, íþróttafélög og aðra sem slíku starfi sinna,
- að fylgjast með framboði sumarnámskeiða innan sveitarfélagsins,
- að leggja fram tillögur er varða skipulag og uppbyggingu vinnuskóla ungmenna í sveitarfélaginu,
- að fjalla um önnur þau mál er bæjarstjórn felur nefndinni.

Íþrótt- og æskulýðsnefnd hefur umsagnarrétt um tillögur íþrótt- og æskulýðsfulltrúa við fjárhagsáætlunargerð og getur gert sínar tillögur til bæjarráðs.

Formaður íþrótt- og æskulýðsnefndar á sæti í stýrihópnum sem heldur utan um verkefnið Heilsueflandi samfélag.

Sé nefndinni ekki falið að taka fullnaðarákvörðun um mál, skv. lögum eða erindisbréfi þessu, teljast ályktanir hennar tillögur til bæjarstjórnar, enda þótt þær séu orðaðar sem ákvarðanir eða samþykktir nefndar. Slíkar ákvarðanir þurfa því staðfestingu bæjarstjórnar.

Nefndin skal leitast við að ná því grundvallarmarkmiði að tryggja að ákvarðanir hennar og vinna séu fyrst og fremst í þágu allra íbúa sveitarfélagsins og það leggur þær skyldur á herðar fulltrúum í nefndinni að setja ávallt almannahagsmuni ofar sérhagsmunum, hvort heldur sínum eigin eða einstakra hópa.

#### **4. gr.**

Íþrótt- og æskulýðsnefnd starfar í samræmi við samþykktir og reglur sem bæjarstjórn hefur sett eða kann að setja um verkefni hennar. Það á einnig við um samninga og samstarf á þessum vettvangi við önnur sveitarfélög.

Nefndin skal eiga samstarf við aðrar nefndir bæjarfélagsins, eftir því sem málefni gefa tilefni til á hverjum tíma.

## **II. Skipan nefndarinnar**

#### **5. gr.**

Bæjarstjórn skal á fyrsta eða öðrum fundi að afloknum sveitarstjórnarkosningum kjósa fimm nefndarmenn í íþrótt- og æskulýðsnefnd til fjögurra ára og fimm til vara. Nefndin kys sér formann, hafi hann ekki verið skipaður af bæjarstjórn, og varaformann á fyrsta fundi sínum.

#### **6. gr.**

Formaður íþrótt- og æskulýðsnefndar stjórnar fundum nefndarinnar skv. ákvæðum IV. kafla samþykktar um stjórn Snæfellsbæjar og sér um að allt fari þar löglega og skipulega fram. Hann úrskurðar í ágreiningsmálum sem upp kunna að koma út af fundarsköpum en skjóta má úrskurði hans til úrlausnar nefndarinnar. Fundarmönnum er skylt að lúta valdi formanns að því er varðar fundarsköp og góða reglu.

Formaður sér um boðun funda. Fundarboðun skal vera skrifleg og tilgreina fundarstað, tíma og dagskrá. Fundarboð skal sent fulltrúum og öðrum sem seturétt hafa á fundum eigi síðar en einum sólarhring fyrir fund.

#### **7. gr.**

Íþrótta- og æskulýðsnefnd kemur saman fyrir luktum dyrum á fastákveðnum fundartíma, samkvæmt fundaplani. Skal nefndin gera samþykkt um fundartíma á sínum fyrsta fundi á hverju hausti. Aukafundi skal halda eftir þörfum að ákvörðun formanns eða ef a.m.k. tveir nefndarmenn óska þess.

#### **8. gr.**

Íþrótta- og æskulýðsfulltrúi Snæfellsbæjar starfar með íþrótta- og æskulýðsnefndinni og situr fundi nefndarinnar með málfrelsi og tillögurétt.

Einn fulltrúi ungmennaráðs hefur einnig rétt til setu á fundum nefndarinnar með málfrelsi og tillögurétt. Þá á bæjarstjóri rétt á að sitja fundi nefndarinnar með málfrelsi og tillögurétt.

Nefndinni er heimilt að kalla til sín sérhvern þann sem tengist málum sem fjallað er um.

### **III. Yfirstjórn íþrótta- og æskulýðsmála**

#### **9. gr.**

Formaður íþrótta- og æskulýðsnefndar er í forsvari fyrir íþrótta- og æskulýðsnefnd um stefnumótun og ákvarðanir hennar eftir því sem við á. Bæjarstjóri ber ábyrgð á fjármálum málaflokksins og framkvæmd ákvarðana nefndarinnar.

### **IV. Fundarsköp nefndarinnar**

#### **10. gr.**

Um fundarsköp á fundum íþrótta- og æskulýðsnefndar gilda ákvæði sveitarstjórnarlaga og samþykktar um stjórn Snæfellsbæjar.

#### **11. gr.**

Fundargerðir íþrótta- og æskulýðsnefndar skulu tölvuskráðar. Við skráningu skal fylgja þeim meginreglum sem gilda um skráningu fundargerða bæjarstjórnar, sbr. 16. gr. í samþykkt um stjórn Snæfellsbæjar.

Í tölvuskráða fundargerð skal færa:

- a. fundartíma og fundarstað,
- b. nöfn aðalmanna og varamanna sem sækja fundinn,
- c. nöfn starfsmanna sem sækja fundinn,
- d. heiti og númer fundarefna sem tekin eru fyrir,
- e. greinargóða lýsingu á hverju fundarefni,
- f. bókanir nefndarinnar eða einstakra fundarmanna um fundarefni þar sem það á við,
- g. í fundargerð skal einnig koma fram ef fundarmenn víkja af fundi eða koma til fundar eftir að hann hefst.

Í lok fundar skal tölvuskráð fundargerð undirrituð rafrænt af fundarmönnum.

Strax að loknum fundi kemur ritari nefndarinnar fundargerðinni til bæjarritara sem leggur hana fram með dagskrá næsta bæjarstjórnarfundar.

Fundargerðir íþrótta- og æskulýðsnefndar eru birtar að afgreiðslu lokinni á heimasíðu Snæfellsbæjar.

#### **12. gr.**

Fundur telst ályktunarhæfur ef meirihluti nefndarmanna er mættur á fundi. Í atkvæðagreiðslu ræður afl atkvæða. Mál telst fallið í atkvæðagreiðslu ef atkvæði falla að jöfnu.

Ályktanir íþrótta- og æskulýðsnefndar til bæjarstjórnar og bæjarráðs skal ætíð senda í sérstöku erindi.

### **V. Hæfi, réttindi og skyldur nefndarmanna og annarra fundarmanna**

#### **13. gr.**

Um réttindi og skyldur nefndarmanna gilda, eftir því sem við á, ákvæði IV. kafla sveitarstjórnarlaga nr. 138/2011, sbr. einnig IV. kafla í samþykkt um stjórn Snæfellsbæjar. Nefndarmönnum er skylt að kynna sér þessi ákvæði.

#### **14. gr.**

Um hæfi nefndarmanna í íþrótta- og æskulýðsnefnd gilda ákvæði 19. gr. sveitarstjórnarlaga nr. 45/1998, II. kafla stjórnsýslulaga nr. 37/1993 og samþykktar um stjórn Snæfellsbæjar.

Um hæfi annarra sem sitja fundi íþrótta- og æskulýðsnefndar gilda ákvæði II. kafla stjórnsýslulaga nr. 37/1993.

Nefndarmaður skal víkja af fundi við umræður og afgreiðslu mála sem varða hann sjálfan, skyldmenni hans eða nánustu venslamenn svo mjög að ætla má að það móti viljaafstöðu hans að einhverju leyti. Honum er þó heimilt að gera stuttlega grein fyrir afstöðu sinni áður en hann víkur af fundi.

#### **15. gr.**

Nefndarmönnum er skylt að sækja alla fundi íþrótta- og æskulýðsnefndar nema lögmæt forföll hamli svo sem önnur brýnni skyldustörf eða veikindi. Sé nefndarmaður í íþrótta- og æskulýðsnefnd forfallaður um stundarsakir skal hann tilkynna eða láta tilkynna forföllin til formanns og boða varamann sinn á fund.

#### **16. gr.**

Nefndarmaður skal gæta þagnarskyldu um það sem hann fær vitneskju um í starfi sínu og leynt á að fara vegna einka- eða almannahagsmuna samkvæmt lögum eða eðli máls. Þagnarskylda helst áfram eftir að nefndarmaður lætur af þeim störfum. Þetta ákvæði á einnig við um aðra sem boðaðir eru til fundar.

## **VI. Eftirfylgni**

### **17. gr.**

Nefndarformaður og aðrir nefndarmenn skulu snúa sér til bæjarstjóra með eftirfylgni staðfesta samþykktu nefndarinnar og þannig tryggja að tekin sé afstaða til þeirra og þær framkvæmdar, í þeim tilfellum sem við á.

## **VII. Gildistaka**

### **19. gr.**

Erindisbréf þetta byggist á ákvæðum sveitarstjórnarlaga nr. 138/2011 um verkefni sveitarfélaga og starfsemi nefnda á þeirra vegum, stjórnarsýslulögum nr. 37/1993 og samþykkt um stjórn Snæfellsbæjar.

Erindisbréf þetta var staðfest á fundi bæjarstjórnar 3. september 2026 og tekur gildi sama dag.

***Snæfellsbær 3. september 2026***

**Kristinn Jónasson, bæjarstjóri**